

Զ Բ Ա Ղ Մ Ո Ւ Ն Ք Ն Ե Ր

Զանգեզուրը իր ներկա երեք վարչական շրջանների սահմաններով Անդր-կովկասի այլ գավառների հետ համեմատած ուսական տիրապետության հաստատվելուց հետո էլ շատ դանդաղ էր փոխում իր հնավանդ տնտեսական և կենցաղային ձևերը: Այստեղ մեծ հապաղումով էր անդրադառնում այն նոր տնտեսական պայմանների ազդեցությունը, որոնք ստեղծվել էին Վրաստանում և անդրկովկասյան խանութայինների մեջ Ռուսաստանի հետ միացման, նրա գյուղատնտեսական և արդյունաբերական կյանքին անմիջապես մասնակից դարձնելու հետևանքով: Զանգեզուրը երկար տասնամյակներ մի կողմ մնաց նոր կառուցված մեծ ճանապարհների ուղղությունից, որոնցով գոտերովում էր Անդրկովկասը: Հին քարավանային ճանապարհները, որոնք ելնելով Քավրդիցի և Նախիջևանից, Ազուլիսի և Մեղրու վրայով XVII դ. սկզբներից սկսած տեղափոխում էին պարսկական և հնդկական ապրանքները Շամախի և այնտեղից Ռուսաստան՝ կորցնում են իրենց աշխուժությունը և նույնիսկ մոռացության են մատնվում: Այժմ ապրանքներն ուղղվում են ուսական շուկաներն արդեն Կասպից ծովի վրայով կամ լավ մշակված խճուղու վերածված և զինվորական պահանջներով անվտանգ դարձած Գարայլի կիրճով՝ Ռազմա-վիրական ճանապարհով: Վերջին ուղղությունը նպաստում էր այս ճանապարհի երակետին կանգնած Քիֆլիսի նշանակության բարձրացմանը: Քիֆլիսից դեպի Բաբու ուղղված խճուղու այն ճյուղը, որը Շուշի էր հասցրած, շատ ուշ շարունակվեց դեպի Գորիս և մինչև Զանգեզուրում սովետական կարգերի հաստատումը շմշակվեց ավելի հեռու— ոչ Բիչենաղի՝ այժմ Սիսիանի լեռնանցքով դեպի Նախիջևան: և ոչ էլ մանավանդ դեպի Մեղրի և Ազուլիս, ինչպես նախագծված էր: Շուշի—Գորիս անցկացրած խճուղին էլ շարունակ մնում էր այն վիճակի մեջ, որը «Մշակի» թղթակիցը 1890 թվին այսպես էր նկարագրում՝¹ Թե ոչ խճով է ծածկված, ոչ էլ կամուրջներն են վերջացրած, ոչ էլ կայարաններում փոստային ծառայության վարժ կառույցներ կան, ոչ էլ ըստ պայմանագրի բավական թվով կառքեր և ձիեր: Կապանից՝ պղնձի, իսկ ամբողջ գավառից՝ բրդի և բոժոժի փոխադրությունը մինչև վերջին տասնամյակները կատարվում էր ուղտերի և ջորիների քարավաններով: Այսպիսի հանգամանքների մեջ զարմանալի չէ, որ Զանգեզուրը մինչև Հայաստանում սովետական կարգեր հաստատվելը «անիվ շփացող աշխարհ» էր մնում— սայլերն ու կառքերը այստեղ գործածության մեջ չէին: Դժվարացած էր ու-

¹ Մշակ, 1890, № 73: